



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička br. 80, tel: 00387 33 586-411

**PRAVILNIK
O DODJELI SREDSTAVA ZA NAGRAĐIVANJE UČENIKA NA OPĆINSKIM TAKMIČENJIMA
I STUDENATA DOBITNIKA ZLATNE I SREBRENE ZNAČKE
KOJI IMAJU PREBIVALIŠTE NA PODRUČJU OPĆINE VOGOŠĆA**

Vogošća, novembar 2025. godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09), člana 113. Zakona o osnovnom odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, br. 27/24), članova 71. i 125. Statuta Općine Vogošća („Službene novine Kantona Sarajevo“, broj 27/14 – Prečišćeni tekst, 14/15, 9/20 i 23/24), te Odluke o načinu primjene Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, Općinski načelnik donosi:

**PRAVILNIK
O DODJELI SREDSTAVA ZA NAGRAĐIVANJE UČENIKA NA OPĆINSKIM TAKMIČENJIMA
I STUDENATA DOBITNIKA ZLATNE I SREBRENE ZNAČKE
KOJI IMAJU PREBIVALIŠTE NA PODRUČJU OPĆINE VOGOŠĆA**

**Član 1.
(Predmet)**

Ovim Pravilnikom uređuju se uslovi, kriteriji, postupak i način dodjele sredstava za nagrađivanje učenika osnovnih škola koji su ostvarili jedno od prva tri mjesta na općinskim takmičenjima, te studenata – dobitnika priznanja Zlatne i Srebrene značke Univerziteta u Sarajevu, a koji imaju prebivalište na području Općine Vogošća (u daljem tekstu: Općina).

**Član 2.
(Sredstva)**

Sredstva za nagrađivanje učenika i studenata iz člana 1. ovog Pravilnika obezbjeđuju se u Budžetu Općine, u skladu s raspoloživim finansijskim mogućnostima.

**Član 3.
(Rodno značenje izraza)**

Izrazi koji se koriste u ovom Pravilniku, a koji imaju rodno značenje, bez obzira na to jesu li korišteni u muškom ili ženskom rodu, obuhvataju na jednak način sve rodove.

**Član 4.
(Korisnici sredstava)**

Pravo na dodjelu sredstava imaju:

- a) Učenici osnovnih škola koji:
 - pohađaju osnovnu školu na području Općine Vogošća,
 - imaju prebivalište na području Općine,
 - ostvare jedno od prva tri mjesta na općinskim takmičenjima iz nastavnih predmeta, organizovanim od strane Općine, a prema Kalendaru takmičenja Ministarstva za odgoj i obrazovanje Kantona Sarajevo.
- b) Studenti – dobitnici Zlatne ili Srebrene značke Univerziteta u Sarajevu koji imaju prebivalište na području Općine.

Član 5.
(Način dodjele)

(1) Sredstva za nagrađivanje učenika dodjeljuju se nakon okončanja svih općinskih takmičenja, na osnovu zvaničnih rezultata koje dostavlja nadležna Služba za obrazovanje (u daljem tekstu: Služba).

(2) Sredstva za studente – dobitnike Zlatne i Srebrene značke dodjeljuju se nakon objave zvanične Odluke Univerziteta u Sarajevu o dobitnicima.

Član 6.
(Visina novčane nagrade)

(1) U skladu sa raspoloživim sredstvima u Budžetu Općine, korisnicima se dodjeljuju sljedeće novčane nagrade za:

- osvojeno treće mjesto na općinskom takmičenju: 50,00 KM;
- osvojeno drugo mjesto na općinskom takmičenju: 60,00 KM;
- osvojeno prvo mjesto na općinskom takmičenju: 70,00 KM;
- osvojeno treće mjesto na općinskom takmičenju-ekipno 150,00 KM;
- osvojeno drugo mjesto na općinskom takmičenju-ekipno 200,00 KM;
- osvojeno prvo mjesto na općinskom takmičenju-ekipno 300,00 KM;
- Studente – nosioce priznanja „Zlatna značka“: novčana nagrada do 1.000,00 KM;
- Studente – nosioce priznanja „Srebrene značka“: novčana nagrada do 500,00 KM

(2) Načelnik Općine, posebnim rješenjem, određuje tačan iznos dodjele u zavisnosti od raspoloživih budžetskih sredstava.

Član 7.
(Način isplate sredstava)

(1) Novčane nagrade iz člana 6. ovog Pravilnika za pojedinačne uspjehe uplaćuju se na transakcijski račun učenika, dostavljen putem škole. Novčane nagrade za ekipne uspjehe uplaćuju se na transakcijski račun škole, a sredstva se koriste isključivo za unapređenje rada sekcije koja je ostvarila rezultat.

(2) Studentima – dobitnicima Zlatne i Srebrene značke sredstva se uplaćuju na transakcijski račun naveden u zahtjevu.

Član 8.
(Zaštita ličnih podataka)


Općina i Služba postupaju sa ličnim podacima korisnika u skladu s propisima o zaštiti ličnih podataka, te iste koriste isključivo za potrebe postupka dodjele sredstava.

Član 9.
(Stupanje na snagu)

Ovaj Pravilnik stupa na snagu narednog dana od dana objave na web stranici Općine Vogošća.

Broj: 03-34-1978/25
Vogošća, 20.11.2025. godine

OPĆINSKI NAČELNIK
Migdad Hasanović



Obrazloženje

I Pravni osnov

Pravni osnov za donošenje ove Pravilnika je:

- član 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", br.49/06 i 51/09), kojim je definisana nadležnost općinskog načelnika za donošenje akata.
- člana 113. Zakona o osnovnom odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“ br: 27/24)
- 71. i 125. Statuta Općine Vogošća – („Službene novine Kantona Sarajevo“, broj 27/14 – Prečišćeni tekst i 14/15, 9/20 i 23/24) kojim je određena nadležnost Općinskog načelnika za donošenje pojedinačnih i općih akata iz samoupravnog djelokruga općine.
- Odlukom o načinu primjene Smjernica o minimalnim standardima dodjele proračunskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine definisan je način i obim primjene od strane lokalnih zajednica.

II Razlozi donošenja

Donošenje ovog Pravilnika ima za cilj uspostavljanje jasnih, transparentnih i unaprijed definisanih kriterija i postupaka za dodjelu sredstava najboljim učenicima osnovnih škola koji ostvaruju zapažene rezultate na općinskim takmičenjima, kao i studentima – dobitnicima zlatne i srebrene značke Univerziteta u Sarajevu. Općina Vogošća ovim putem potvrđuje svoju opredijeljenost za unapređenje obrazovanja, motivaciju mladih i podršku njihovim postignućima.

III Finansijska sredstva

Sredstva za nagrađivanje učenika na općinskim takmičenjima i studenata dobitnika priznanja „Zlatna značka“ i „Srebrene značke“ obezbijedit će se u Budžetu Općine Vogošća.